



21670

kat.komp.

III

Mag. St. Dr.

P

*Prokopowicz Casimiri: Panegyris gratulatoria honoris
et meritis Mathiasi Ostrowski.*

PANEG. et VITAE

Polon. Fol.

N^o 808.

L

I
E

BI

JAG

T

c

PANEGYRIS
GRATVLATORIA.
HONORI & MERITIS

Perillustris & Reuerendissimi Domini,

D. MATTHÆI
ORŁOWSKI,

I. V. D. Prothonotarii Apostolici, Metropolitanae
Ecclesiae Gnesnensis Canonici, Camenensis Insulati, Ar-
chidiaconi Curelouiensis & Præpositi Małogostensis.

BIBLIOTH. UNIV.



CELSISSIMI PRINCIPIS,

Illustrissimi & Reuerendissimi Domini,

I O A N N I S
DE MAŁACHOWICE
MAŁACHOWSKI,

Episcopi Cracouiensis, Ducis Seueriae.

Generalis Causarum

A V D I T O R I S.

Recurrente Diui MATTHÆI Solenni die,
ex voto, gratitudinis & applausus ergo

M. CASIMIRO PROKOPOWIC,
Philosophiae Doctore, in Scholis Nouoduorsianis Poëtices Professore.

D E D I C A T A.

Anno Domini 1689. Die 21. Septembris.

21. 670 III

CRACOVIÆ, Ex Officina Francisci Cezary, S. R. M. Illustris. ac Rndis. Dñi Epi-
scopi Crac: Ducis Seueriae. Neenon Schol. Nouoduorsc. Typogr.

2. XII. 5.

A D

Perillustrem & Reuerendissimum Dominum

Votum, grati pectoris Scazonte expressum.

Ilustre lumen fulgidæ Dicecesis,
Splendore Iuris maximo Iubar fulgens,
Magnumquæ Numen Palladis Sacræ, dignis
Optata demum plausibus, perenniquæ
Coetu Virorum, fama Nominis Diui,
Quis te locauit Cracio solo rumor?
Vel qui beati temporis tulit clangor,
In inclytas has luce splendidas oras
An non potestas hæc suprema factorum,
Quæ sæpè dignum prouidet decus mentis,
In æquitatis pondus, atquæ cortinam,
Hæc Te secundis omnium tulit votis,
Vt omne fas iustâ bilance præsentem
Legemquæ dicas, atquæ iura feruenti
Interpreteris voce; litis auditæ &
Vt turbidas mentes fauente componas
Coelo, Tuæ virtutis hic labor, monstrat,
Tot lustra læti sæculi, tot & pacis
Lauri virentes hederas, Senatumquæ
Honoris ampli, maximamquæ Votorum
Spem præmiorum, dignitate florentem:
Sic ominati læta Nominis Virtus
Præcincta nexu Fasciæ, manu ducet
Te dulce Nomen, corq; dulce plaudentis
Cleri: perennes concinet Tibi laudes;
Vt vinculum Natale Præsulis tanti,
In auspicatum Nomini tuo Votum
Cedat, ferasq; vt gloriæ tuæ palmam,
Quam sub coronis gemmeis coronatam,
MATTHÆVS assumes, fauente Vauelo.

PANE.

PANEGYRIS.

EXcelsam gloriæ Maiestatem, & ingentia magnæ, atque inusitatæ fastigia fortunæ, quam vulgus crebrâ opinione beatitudinem appellat, cum optimi quique mortalium, ex merito virtutis occupant; illi solùm deteriores censentur ab omnibus, qui solâ nominis ambitione, tantam amplitudinem emensi, stupore & excessu famæ, cui nulla contingat oratio, ac conuoluentibus sese magnæ felicitatis titulis, exæquârunt. Innumeri quippè summa tentant fastigia, & ipsam propè diuinitatem sapiunt; virtutes exercent, & placitis stimulo patientiæ abstinent voluptatibus, omnem parsimoniam temporis, maiori pretio, quàm ipsimet æstimantur cõemunt, manus, vires, & animum explorant sæpiùs, quàm tempus, vel necessitas posscat, id agunt in tenebris longâ cogitatione diffusi, quomodo in claro meridie, concolori fuco commendabiliore appareant: quid non euoluunt, boni superi? quid non in cassum tentant, & eiurato librantis se se per sublimia quæquæ ambitionis ausu sustinent: vniuersi ceu agmine facti, sedem beatam, & gemmeam fulgurantis ex alto gloriæ domum obsident; vt tandem consummato euanidæ laudis leui curriculo, falsis encomiis, claro, quæ nulla sunt, meritorum suorum, illati triumpho, velut terrarum Domini, ad Deos euehantur. Ita sanè delirant & insaniunt, virtutis vultum inanem habentia, vitiorum mōstra: aliò erumpunt obstrepentis plebeculæ agmine vasto; vt felicitatem capeffant, quam pro Numine venerantur: aliò ad præcellsum virtutis templum, magnum iter incipiunt, vbi è vestigio huc atque illuc defessa titubant, hærent, in plano biuium clamant, & nunquam magis proficiunt; quàm in præcipitium per magnas tempestates relapsa. Tanta molis opus gloria, quam nomina vana, & solis maiorum clara fumosis imaginibus, nimis pertinaci persequuntur studio; quanquam rarò fortunæ, cui partem felicitatis solido demere de die, semper proum est, rarò sceleri, sæpiùs inusitatæ virtuti debeatur; illam tamen stulta hominum temeritas, veluti immortalibus in se meritis, non solum, vt dignum se præmium poscit, sed ceu obtorto collo, euulsam suâ Maiestate Deam, serui compede vinctam, in triumphum ducere sacrilegium audet. Hinc certatim cristati fortunæ pulli, iniquam hæreditatem rapiunt & possident, vnde fastu & portentoso rerum tumētes euentu, cristas attollant: non hâc quâ virtus laborue, fecit gloriosum

sum callem, per saxa iacentia, exesasque ferro vel aceto cautes; sed per mendacia viarum, quibus tenebriones incedunt, ad Coronas, & excelsa dignitatum culmina eluctantur: quibus verò non ex voto, miscens aduersa secundis, auream fortuna colligit messem, & alternis vicibus, spes magnas, & sæpè rerum inanes, ceu diffusas per mare naues, insolens Æoli imperium premit ac concutit, iam læsa conscientia, turpi laborat infamiâ, iam grauis vndiquaq; oboritur metus, occurrant fraudes, si potentia adsit, atrocia rerum discrimina præstò sunt; iustitia sanguine gaudet, templa & aræ sine religione, triste negotium orbi in se reuelant, ius datum sceleri, religiosius obseruatur, in commune nefas iuratur pro crimine, omnia noua & molitiones laudantur, & ille optimus publici consultor habetur boni, qui maximè malis artibus, venale exercet ingenium. In tanto gloriæ certamine, vbi non omnibus meta exemplo honos est; alij grassantur, & seipsos non intelligunt, alij in veterem mentis excessum, & errorem relapsi, sine intellectu palantur, nec suis rebus ampliùs modum ponere, nec quæsitâ retinere sciunt: non vnus pace inclarescere studet, sed leni exesus inertia, omne decus & splendorem extinguit, alius sago & togâ simul, mansura nominis decora, & immortalitatem prætendit; sed magis densâ hostium circumfusus grandine, quàm improuisa formidine ictus, tam claro præcocis victoriæ exemplo, perennem famam inumbrat; hic virtutes deserit, ille vitia amplexus defendit, alius quæsitam domi gloriam in publico, hic in publico partam, domi suffocat. Equidẽ in cassum huc conuolant, moras omnes consumentes, & ad omnem mali cogitationem sese contrahentes, auidi gloriæ Deunculi; non enim eluctantur in sublimem honoris arcem, serpentes humi testudines, vel inertiam & somnum olentes animæ; virtute solâ nonnisi, & magno spiritu itur in altum; vnde laus vera optimis & integerrimis Viris contingit, maiori æstimatione & voto, quàm si Numina priscorum titulos, solâ dignatione adstruerent, & triumphos, glorioso applausu, antiquitatis, iterum orbi reuelarent. Non hac viâ approperasti, ad Tui altitudinem honoris, & in augustum, ingentibus meritis, ad lancem sapientiæ expensis, præcelsisq; tuis Virtutibus, gloriæ sacrarium conscendisti, quâ somni alumna inertia, & vana hominum ambitio, per interualla eluctatur, **PERILLVSTRIS & REVERENDISSIME DOMINE:** contempsisti omnia, quæ fastum, & tumentes spiritus inflant: & hîc Te iudicauit sapientia, exactis secundum Deum immortalem

lustris,

lustris, in summo ponendum fastigio, qui ambitionis vicinum ruinæ
fastum despexeras: ministra Deorum inclyta Tua Ales, suctis in cœ-
lum volandi vîsibus, perspicaciorem crystallo, mentis Tuæ pupillam,
non per infima terrarum, & obscuros orbis anfractus diffundendam;
sed in cœlestium mentium partes, vnde omnem eruditarum scientia-
rum succum, & solidioris sapientiæ Ambrosiam hausisti, intendendâ
docuit: certârunt communi voto, pro Te virtutes, & magna elogia
parabant; quanquam tuus animus, recti honestiq; capacissimus, in-
solens in vitia flecti, uirtutum alimentis saginatus, omne illud respue-
bat glorioso contemptu, quod aut mollem saperet voluptatem, aut
cum Virtute coniunctum non esset. Nam quâcunquè, siue diffici-
limarum, scientiarum dogmata addiscendo, siue in sapientiæ Arcopa-
go, non magis togatis insignibus, quàm tuis virtutibus laureatus oc-
currebas, aliter deprehendi, quàm virtutum, & sapientiæ, summis fun-
ctus honoribus, nec voluisti, nec potuisti: eminere nesciens, maior o-
mnibus, & supra alios, æstimabaris vbiquè vltra omne pretium. Non
vnius hæc grandis cogitatio mentem subibat, quantus futurus eras, sta-
to annorum tempore, dum in succrescente ætate tantus fuisti. Nihil
enim in Te non maturû, nihil non consummatû, nihil quod non sapien-
tiæ iudicium posceret, magnorum Virorum testimonia probauère. Su-
blimia hæc mentis tuæ decora, & consummatam in sapientiæ sacrario
prudentiam, nunc Lechicus admiratur orbis, & stupet, nec minus, hæc
sibi communibus votis felicitatem gratulatur, Te PERILLVSTRIS
& REVERENDISSIME DOMINE, more Aquilæ Tuæ, in æthereas
partes, impetu non inglorio euolâsse, atq; magna Themidis oracula,
cœlitus delibâsse, quâ tam augustâ sorte, non modò ILLVSTRIS-
SIMVS & REVERENDISSIMVS PRINCEPS MALACHOVIVS,
non modò sacer huius Diœcesis Clerus, sed & illi, qui Te nondum
ex lineamentis corporis cognouerunt, gloriantur. At concurrant ad
te visendum, Vir Maxime, celebrandumq; vniuersi, quorum cordibus,
& animis amorem Tui infudisti, circumstent Te gratiæ, Charitesque
comitentur vniuersæ, exposcant, & venerentur, ceu deliciû, vota omni-
um? mihi aliud studium erit, publico hoc nouæ gloriæ auctoramen-
to, obstricto alto Nomini Tuo oratori, non minus ad diem Diuo Pa-
trono tuo sacram, festiuâ gratulatione triumphantem prosequi; quàm
magna laudum tuarum exempla euoluere, & ipsâ æstimatione maio-
ra tua merita, non tam luci publicæ consecrare; nam clariora luce

sunt; sed ex voto religiosius venerari. Veniā merebitur inconsulta fiducia, culpam in obsequiū prætendens, si tuis exactis virtutū, & meritorum magnis operibus, vi, calamo, & eloquentiā, quā par est, nō respondebit.

Claritudinem nominis, quod præstantissimam famæ seriem post se trahit in publicum, & summa laudum fastigia, plurimi in ipso vitæ exordio, vix in auras illati, vbi pulchram cœli faciem suspiciunt, subito, malā rerum conuersione, vel reclamante votis suis fortunā, ne amplius per omnes meritorum gradus abeant, aut ingrata sanguinis suspicione, aut parentum virtutibus renitenti inuidiā, contaminare solent. Non omnes quippe, ex illa naturæ longa caligine emergentes, splendide veniunt, & magno collucentium virtutum comitatu, inquinatam ingrediuntur regionem; soluuntur quidem æternis in mundum naturæ legibus; sed iterum ingloriā sorte, quæ se non attollit supra humanam opinionem, subducuntur in arcum, vbi nec eminendi locus est, nec ad gloriæ, & libertatis stationem, proficere licet. Diem pulchrā omnibus accendit Phœbus; sed non omnibus lux alma generis effulget: magna pars mortalium, fulgorem istum, paucissimis communem lucis vsuram, non aduertit, in densam generis sui noctem, meramque sine luce caliginem relabētes. Vni Seruio Tullio contigit, casu & rarissimo fortunæ exemplo, clarum ac celebrem euasisse, cuius generis ignobilitatem, ceu nube quādam, respersā tenebris inumbratam, non illustrasset vtrique, abiectæ sortis origo? quem natura, & tenuis nascendi conditio, penes suas egestatis leges, ad calamitatem vulgi damnauerat: nisi solā conuiuentiā superum, & naturæ indulgentiā, stupendo facti prodigio communita Tanaquil, admirandis fortunæ vicibus, nouum sibi affudisset splendorem, & noctem illam, quæ obstat & arcet, magnis sese infundere fastigiis, adscititiā Regum luce eliminasset. Lex aliis hæc, non alia fuit, vt in tristi ergastulo, nullis præeuntibus signis, in obscura nocte, nullam gloriæ lucem post se trahētes nascerentur; sed illam tibi PERILLVSTRIS & REVERENDISSIME DOMINE seruare non licuit, cui refulgentibus Virtutum radiis, novos splendores, non sine stupore vouentium, affuderat Cœlum. Quotquot enim Te nascentem, pectusquē tuum adhuc infantile, vultumquē gemmeum, amica quædam amoris illicia, & gratias expirantem, illustrauēre lumina, quotquot nouæ claritudinis exornauerant sydera, quorum maiestate lucis, illuminabaris fasciatus, ipse tandem sine maculis, lucidissimus Sol animorum futurus, non ego minor annis, & cogitatione magnarum

gnarum rerum, hinc fidem meam appello; sed omnium, qui tunc cum
 Voto aderant solliciti, & gaudiis diffuentes, conscientiae clamant, al-
 taquæ gratulantium suspiria, excessu lætitiæ tanto, omnium aures oc-
 cupant & implent, cum Te maximum virtutum, & rectè factorum hæ-
 redem, in decus sapientiæ, in delictum orbi datum, illis pulcherrimis
 amoris desideriiis, & magnis spebus amplecterentur. Iterum nascū-
 tur filii Hæroum noxæ, summam tituli in suis ponentes natalibus, so-
 lam maiorum sanguinis originem, in laudes & Elogia deriuantes, ple-
 nam tumosis imaginibus atria recensendo; Tu Vir meritissime, nobilis
 portio sanguinis, non modò gloriæ splendores non minuisti, sed lu-
 mine Virtutum magis auxisti, obuiam virtutem amplectens intensius,
 quàm nomen, famam, magnosque census honoris, vana fortunæ insi-
 gnia. Principio namquæ florentis tuæ, laudatæquæ satis luuentæ, quæ-
 ta concordia ex merito virtutis, quantusquæ concentus omnium lau-
 dum, omnisque gloriæ in Te resonabat, cum intimo cordis illicio o-
 mnium, Te adolescentem adspectantium? ut non successor tam ama-
 bilis boni, quàm hæres, & Dominus videreris. Ætas hæc cunctorum,
 maximè iuuenum, festiuâ anticipatione insolentiæ, immaturas præoc-
 cupat mentes, & non magis mirâ rerum amœnitate demulcet, quàm
 longam eripit cogitationem de seipsis, ut non intelligant, quid agant
 suspectum, grauitatiq; repugnans. At Tu omnem fucum, & cupedias
 omnes, illaudatæ signa licentiæ auersatus, nihil egisti, quod te non
 modestum redderet, omnia forti brachio complexus, quæ commen-
 dationem & gloriam parant, inter pares, dispar moribus & virtute; quia
 melior: inter æquales non idem, quia maior, ad Summa natus, con-
 tentione gloriæ ferebaris. Operosum est placere sapientibus, sed non
 vltima laus, quia & immortalitati inserit quemquæ, & magna gloriæ
 compendia parat. Tu in delicijs sapientiæ natus, non magis vitales
 auras, quàm omnium, & maximè Sapientum amorem in Te traxisti.
 Aduertit in Te mentem illam, penè diuinam, magnarum rerum capa-
 cissimam, fax Sanctæ & regula vitæ, aureum monile togatæ Sapientiæ,
 diuini humaniquæ Panthèon Iuris, bonitatis & Virtutum Sacrarium,
 magnorum huius Diœcesis Antistitum, cor & delictum GRABIANO-
 VIVS, Canonicus Cracouiensis, magno illo huic Diœcesi præfidente
 TRZEBICIO, Generalis Causarum Auditor; nec remisit priuati Stu-
 dij literarum monumentis, ritè eandem imbucere, ac indolem tantam,
 nutritam faustis sub penetralibus, stimulo gloriæ, aliasiam magnis sci-

entiarum incrementis initiatam, ad maiora vocare, excitareque: qui non magis rerum magnitudini, quas mente non obliqua gesserat, quam votis tuis, & gloria allaborabat. Creuit successus hic, eò maiori destinatione fortunæ, & meritò; quò spes maiores, vota omnium & cogitatio de Te, ac non vana bonarum literarum studia sufficerent. Iam firmitas mentis, iam vires corporis succreuerant, iam honor capitis, & dignitas oris, magno superum collata munere, Te celebrandum Orbi parabat, dum lucidissima septemtrionis Pharos, inclytum Diuinæ Senaculum Sapientiæ, Mater & Filia Regum, eruditionis ac sinceritatis crystallus, Alma Academia Cracouiensis, Te sibi in delictum rapuit. Hic meritò, magnæ Altit Tuæ, operosos in altum tractus imitatus, euolasti passu glorioso, non inconnuam oculorum acie, ad solem sapientiæ; Viram Tibi monstrabat labor, moras omnes & obstacula, solertissimum ad omnia quæquæ, submouebat ingenium: ibas in altum ad inclytam sapientiæ domum, viam, quam non ex facili itur. Totus inuisceratus Palladi suæ, vix non simillimus Ioui, sublimiores cum admiratione gradus merebaris, nec parem tuis magnis dotibus, verâ scientiarum hereditate, sapientum iudicia consignabant, qui excellentissima etiam præteruectus ingenia, nullum locum linquebas, quem Tuæ stupor sapientiæ non impleret, nullum tempus consumere patiebaris, quo non rectam viuendi rationem condisceres; & cum omne in studijs fastigium impleuisses, eminere amplius non potuisti, nisi laureatus, in lucem publicam prodires Doctor. Grandia hæc Nominis Tui, & perennaturæ famæ decora, tot congesta trophæis, & illustrata triumphis, quot immarcescibiles laurus, & encomia meruere. fecerunt Tibi magnam de Te ipso cogitationem, cui parem honorem geras, & nomen Doctoris, non infimo dignum elogio, quibus studijs & lucubrationi consecres. Captant leuem gloriæ auram, quibus magnarum exemplo virtutum, & clarissimis sapientiæ splendoribus, effulgere concessum non est, prodire in lucem publicam erubescunt, ipsas etiam, si aliquando micuerit, tenebras timeant, magna semper appetunt; sed nunquam ingentibus factis, operosas manus applicant, & ingenium. Quantis Tu Vir Maxime, in Augusto hoc Orbis Lechæi amphiteatro, resplenduisti muneribus, quis ille mentis vigor? quis ardor in porticu sapientiæ generosi pectoris? qui Te stultæ vulgi opinioni exemerat, vt ipsi sapientiæ infereret mystam. Gratulabatur sibi magnum Doctorem Peripatus & Stoa, ac togata Sapientum Respublica, optimum Ciuem futurum ominabatur, in Te vno spes
& vo ta

& vota ponebat, in Te suauissimam expectationem, signis omnibus, & crebrâ solitudine præfagiebat, quem in delicijs tenerimè habuit. Sed breues ritè amantium deliciæ, non voluntates hominum implent, & ex-faciant, imò maiori, dum non longo tempore cessant, viscera sauciant dolore, si non excutiant, & iucundâ sui recordatione, dulcem animo inferunt mortem. Quanta hinc omnibus suboriebatur admiratio! quâ-tus dolor, cunctorum animos occupabat! quàm dulce, & iucundum de Te institutum certamen, dum alteri subsellio ad danda juris responsa transferebaris, quem in loco, in domicilio sapientiæ, magnus honor poscebat.

O si colame, tantâ rerum magnitudine, & summorum nominum maiestate presse, æternitati scriberes, laudata nunquam immortalia ge-sta, & stupendas, supra humanam fragilitatem prominentes, sacrifq; collucentes fulgoribus virtutes, alteri vix aliquando concessas, illius in fracti pro Ecclesia Dei Atlantis, literarum ac literatorum Assertoris, no-bilitatis gemmæ, muneris sacerdoty Aaronis, & totius bonitatis aurifo-dinæ, Antistitis Laodicensis Oborscij! Vir erat sine exemplo exempla-ris, sine fuce vndiquaq; commendabilis, sine ostentatione celebris, si-ne stimulo operosissimus, rarâ hoc sæculo religione in Deum & San-ctos, ac profusione opum in egenos laudatissimus, in nullum prodi-gus, in omnes liberalissimus, & hoc solùm auarè cupiit, vt omnibus bene-faceret; merita hæc tantam laudis materiam poscunt, quantum æterni-tas virtutum suarum laudatorem exigit. Magni huius Antistitis, circum-valarunt Te innocentissima vndiquaq; lilia, & in tam suaucolentem cucurristi odorem, nullibi iucundiores cordis delicias ratus, quàm ob-uerfari in lilis, quàm pulchris stipatus floribus, arcana, Iuris Oracula pandere. Itaque Regens Consistorii factus, ô quantus ab omni popu-lo æstimabaris! & hoc maximum profectò, futuræ tuæ felicitatis argu-mentum erat, ubique eloquentiâ Cyneas, iudicio Consus, virtute Ari-stides, magnis iustitiæ muneribus Lycurgus, prædicabaris. Solenne istud nominis Tui encomium erat, in arduis animum promptum præstare, in difficilioribus non omnibus parem solertiam demonstrare, in obscu-ris lumen mentis affundere, ubique magna prudentiæ, & sapientiæ do-na, vsibus mortalium communicare. Profectò eluctari in sublimè culmen honoris, per ardua rerum discrimina, soli Alcidæ, aut cui natu-ra masculam virtutem dedit; sed non omnibus licet: audent quidem, verum est, sæpè tenues grandia; sed ingenti rerum magnitudine fra-

cti, animo cadunt, sæpè in limine inchoati operis, inter angustias de-
prehenſi ſuffocantur, & quò ſe altiùs cupiunt attollere, eò magis deſcen-
dunt, & non aliter, ac Igmæi, etiamſi in ipſo cœli ſupercilio, pumili-
ones apparent. Stupebant Te PERILLVSTRIS & REVERENDIS-
SIME DOMINE, ſupra omnem opinionem euectum, qui Te vnquam
audiuere Cyneam, in illa circumſpecta ſuggerendarum cauſarum ma-
turitate, intendeſcant oculos, & mentem, oriſquè tui dignitate ſupera-
ti, & pulcherrimâ illâ venuſti ſcenâ eloquii, per varios Diuini huma-
nique Iuris reſceſſus circumducti, publicum orbi teſtimonium dabant,
quoties Te intueri fas erat, vel inter ſapientiæ Numina, ceu quandam
Intelligentiam, hoc vnum agitantem audire, vt maior indies horaſquè;
vni Deo honos accreſceret, non obtentu vanæ gloriæ, aut famæ deſi-
derio, ſed magno conſcientiæ voto, & affectu.

Quid & huic dicet poſteritas, cui ſe modo mea conſecrauit lau-
datio? quod Tu ad implendos gloriæ faſtos, tibi ipſi ereptus, propriis cor-
poris commoditatibus intermiſtiſti, eò pupillam oculorum Tuorum
intendeſcas, & manus; vt prodeſſes omnibus, noceres benefactor ne-
mini, non vires tuas hebetabat labor, non inſomnes noctes frange-
bant mentem, non magnitudo cauſarum, uſuram temporis eripiebat.
Totus eras in negotio, totuſquè liber, curis ingentibus, & longâ ſoli-
citudine attritus, magnam tibi imponeſcas neceſſitatem, nec fractus in
neceſſitate vixiſti. Ingenio ad res gerendas excitatiſſimo præſtans,
ſolerti indiſtriâ, ſedulitate indefeſſâ, omne illud glorioſè vinceſcas,
quod arduum tangi, & componi inſolens, & vinci dubium erat. O
ſummam vim ingenij! ô mentem ſapientiæ plenam! ô Diuinæ parti-
culam auræ prudentiam! quâ ingentia momenta rerum, rarâ felicitate,
non ſemel conſeciſti. Soluendus erat poſcentibus, non dubia fer-
ri acie; ſed ſolerti in Concilio ſapientum, nodus ingenio, ſoluſti glori-
oſè, victor ab ingenio Alexander: diſponenda erant, & componenda
ſumma rerum negotia, magniquè, & magis dubii euentus, neceſſitate,
& exitu diſpares, opinione maiores, ingenti mentis dexterritate com-
poſuiſti: non ſemel vnus omnium ſolida negotia gerens, regenſquè
animos, ibas ad ſublime veræ gloriæ Capitolium, per confragoſum ni-
mis, ſpinis & ſentibus obſeſſum iter. Solenne quippe magnis menti-
bus eſt, in ardua quæquè obſtinatius rapi. Bene Cyneas, mirâ oriſ faci-
diâ, Cenſorinus Cato conſummatâ in rebus prudentiâ, Annibal cruen-
to depræliantis ludicro Martis, Aemilius clariſſimâ triumphorum pō-
pâ, Xer.

pā, Xerxes immensitate exercitūs, immortalitatem sibi pepererunt. Sed melius his omnibus eminebas PERILLVSTRIS & REVERENDIS-SIME DOMINE, vndiquaquē lucidissimis sapientiæ collustratus radiis, magnisque operibus æstimatus, & veluti innocentissima crystal-lus, illā tuā mentis pulchritudine, ex omni parte transparebas. Id ta-men non suffecit ad gloriam, sapissimam habuisti necessitatem cogi-tandi, vt boni solent, quomodo porrectus in publicum, profligatam toties inertiam expungeres, & stupore tui, omnium mentes raperes; donec in Iride Aquinatica, viuis sanctitatis coloribus, & purpurascen-te eloquentiā, in Diuo Aquinate expressa, conspicereris. O quis dulcem oris Tui ambrosiam, diuinum eloquentiæ nectar, verborum gemmas, styli maiestatem, pari eloquentiā celebrabit, aut vestigabit laudator? Quotquot enim in tua Aquinatica Iride, sapiens Auditorum confessus, stupuit colores, tot cultissimæ vniones vidit eloquentiæ. Hic me gran-dis cura, hic difficultas circumstat, quid, aut quomodo de Te scribam? qui omnium, magnus ipse Diuorum Orator, meditatæ voces, & inge-nia excessisti, minoris subsellij laudatoribus, altam indixisti silentium, Tibi ipsi mensuram gloriæ assignasti; vt non à quopiam laudareris, qui non sit similis tibi. Probrosus enim est, immo stultitiæ olet, excel-lentissimas laudes, graui culpā ingenij deterere, & consignare metam gloriæ, ad quam decurrere, nisi magnis passibus concessum est. Mo-dica hæc fuerunt, quæ Tuo nomini coronando, laurus immortales cō-gesserant, illicia hæc fuere, & blanda gloriæ tentamina, quæ Tuam ge-nerosam Alitem, Craciis in oris morabantur. Verū frustra iacent rete, ante oculos pennatorum? inclyta Avis hæc, non vni climati nata, alteri dat se visendam Poloniae, nullis cōērcita limitibus, libertatis sem-per amans, naturæ sequitur semina ritē suæ, non immemor adhuc Pa-rente Lecho, sui principii, in urbem Metropolitanam conuolat, quò magnis Archipræsuleæ famæ, Principis Prazmouii stimulis, traheba-tur.

Hic exactissimum per merita ad honores emensus iter, conscen-distī theatrum illud, ad quod vniuersus sapientum Senatus, seriò men-tem intendebat, cuius primum in fastigium limen, ingens turba mor-talium insederat, Te sæpē reclusis foribus, iuris oracula euoluentem, magnis compellans, & collaudans vocibus. Principis iussa, quàm sa-crosanctē seruasti, illo afflicto tempore, dum omnia, veluti ex condic-tio fatorum, magnis casibus premerentur; Tu nullā necessitate fractus,

ingruentibus nō concessisti periculis, & si totus laberetur orbis, impau-
dum ferijissent ruinæ. Quòd si maxima gratiæ suffragia mereri, & ma-
gnis Principibus placere non vltima laus est; profectò, nulla vis inge-
nij, nulla mentis industria, nulla scribentium aut loquentium, id euol-
uet elegantia, quàm summè illi Polono Nestori, legumquè statore Pra-
zmouio, placueris. Equidem inopem me in tuis laudibus copia facit;
& magis animo prouum est, aliquid de tanta meritorum amplitudine
demere; quàm addere posse cogitanti. Quid iuuat splendido meridie,
accensam præferre facem, & magis excessu mentis laborare, quàm ne-
cessitati consulere? quid iuuat guttam Oceano infundere? sic ingens
laudum tuarum, meritorumquè negotium, umbratili facundiâ extol-
lere, aut longâ oris imitatione metiri? quod nemo, & dicendo pro-
sequi, & celebrando exornare potest. Has etenim curis ingentibus
illigatus, ac immixtus, amplissimas dotes exercuisti, quæ non tenuis um-
bratilem suadam Oratoris: sed ipsam æternitatem merentur. Diuina
Themis, alia publicè, in augusto Orbis theatro pro Te, alia priuatim,
apud Principem, nuncupabat vota, qui simulac totum Te in linguas,
voresquè laudantium infudisti, dulce omnibus de Te fecisti certamen,
& miraculum.

Insolens fortunæ mutatio, quoties exæstuant ad summa hono-
rum fastigia inflat, attollitquè animos, quos aut præcoci successu, eleuat
in altum, aut per saltum promouet, non metam ponit: vt nullum finē
habeat ambitio, quā immensi mortalium, in adulantium illati auras,
immortalitatem existimant, dum ad speciem vulgi, falsis laudibus fa-
tigantur: non hæc animum vanæ laudis studio occuparunt, abstraxi-
sti solidam mentem Tuam, ab his plebis inconditæ deliriis, illa maio-
rem Tui partem vendicabant sibi negotia, quæ non fūco, aut vllis am-
bitionis finibus læderentur. Nihil laudi tuæ tributum, nihil cumu-
latum honori, quod aut imprudentem vulgi sollicitudinem, aut præ-
cocis famæ appetentiam olebat. Neque aliter publicis Te inferebas
obrutibus, quàm per summa laborum compendia, & ardua nimis di-
scrimina rerum, quæ ignauos, ac imbelles animos, aut arcent, aut ma-
gnitudine suâ frangunt. Creuit demùm illa Tua insignis sapientiæ, &
consummatæ prudentiæ gloria, tantâ dignatione honoris, etiam sine
malignantium inuidia, quanta pro summis laboribus, sufficere debet
sapienti. Multos ingeniosa numerauit antiquitas, qui expugnata sacro
bella sub Illo, triumpho vecti per Urbem, in deliciis habuere, non pau-
cos pri-

cos, prisca historicorum recenset narratio, qui post currum triumphalem in applausum duxerunt Reges; victi tamen solâ maleuolorum inuidiâ, & tabido aspersi liuore, in sacro fame certamine turpiter iacuerunt. Tu his felicior euasisti, PERILLVSTRIS DOMINE, nam Te Princeps dilexerat, quem nullus odisse potuit, vicisti ingentia inuidiæ monstra, antequam intensius amari cæperas: summa cordi Tuo credita erant arcana, cum Te omnes iustitiæ amissim, iuris & prudentiæ Oraculum celebrabant. Felix, dignusquè tanto Principe scriptor, qui momenta legum, mentis illâ dexteritate, & iustâ interpretatione absoluebas, ut & Principis cor mirâ replens dulcedine, & Tibi magnum iter ad gloriam referans, ac immortalibus in se meritis, triumphalem aperiens portam, citissimo passu, illius celeres soleas, longo Patriæ ab usu, ceu sol in meridie splendescentes, inuestigares. Præibat Crux feliciter, cuius amor, & veneratio Tibi cordi erat, trahebat amicitia, quò velles, ad optatam fortunæ stationem, patebant portæ, aditum præcludebat nemo, inuitabat communis omnium in Te amor, inclinabat verticem laboribus, meritisque honos, quocunque iter faciebas, ipsi viarum recessus, magna dabant ad gloriam tibi spatia, si voluisses conscendere. At Tu etiam nomen ipsum sublime honoris, & non solum fastigia summa recusabas, gratâ virtutum conscientiâ, & immensis sapientiæ opibus, satis honoratus, exemptus opinioni, super his omnibus, nonnisi per sublimia eleuatissimæ mentis ferebaris. Quàm longam vota omnium, cum Tua modestia fecere pugnam! & quàm tardè augustum pectus hoc, solâ diuturnitate expugnauere. Nomen illud, quod alij primo statim in limine, antequam se homines intelligant, votis omnibus, & precibus poscunt. Tu usquè eò distulisti, donec Tuorum parcissimus meritum æstimator, ceu alteri faciem Orbi infunderes, & clarissimis demonstrares signis, Tibi ex merito virtutis, non extrudi, & malefida populi assentatione, parem laboribus honorem deberi. Subtrahebat alibi inuidia laudes, & magna notis inumbrat nomina, de Te nō item est dicere, qui his maleuolentiæ exēptus legibus, magnis ornabaris elogijs; sed noluisti extolli: extollebaris laudibus, sed renuisti inter hæc votorum hilaria diffluere; difflebas inter iucundos amplexus Tui amantium, sed differebas amari; amabaris ceu cor in homine, vitam sanguine ferens, sed repugnabas, pulchrâ mentis demissæ contentione amoris: contendeabas Te abstrahere, ne videreris; sed eò magis eminebas: fugiebas Sacra Nominis Tui elogia, sed Te comitatu magno gloriæ, altus honos sequebatur.

Liberrima ingenia, quæ Pater Phœbus amavit, non suis conclusa angulis premuntur in tenebris, sed in clara luce refulgentes, sapientiæ explicant radios, eò gloriosius, toto sapientum adspectante theatro, quò magis tristes noctium umbras auersantur. Pertinebat hoc ad auream Tuæ mensæ gloriæ, PERILLVSTRIS & REVERENDISSIME DOMINE, vt non soli natus Poloniæ, magnis dilectus Nominibus, iucundissimæ intuentium scenæ exponeris, non sufficit ad illustrandum Nomē, tot perennis famæ collegisse splendores, & Patriam implere meritis; sed debuit hæc alti claritudo Nominis, nido natiuitatis suæ, ceu nube quâdam sese euoluere, debuit ex Patrio angulo, in lucem publicam prodire, & sub alieno sole, hos illimes explicare radios, ac in capite Orbis totius Vrbe, in æde sapientiæ, tanta gloriæ exempla diffundere, exoticaquæ ingenia, rapere in stuporem. O me infelicem Oratorem! cui de Te nunc digna non potest contingere Oratio! nam magnis super vestigia laudis passibus ferebaris, si te suspexero, aduersus resplendentes, in Romana sapientia radios, noluisti domesticis concludi angustiis; sed publico Gentium sapientumque patere spectaculo; vt ingeniosam coniciientium doceres ignorantiam, non aliam Tibi Parentem Naturam infudisse virtutis propensionem, quàm in ipso publicæ lucis meridiè obuersari. Stupebant in Te consummatâ sapientiam, exotica ingenia, & prorsus Diuinam mentem, sacrationibus studiis inferebant, omne pretium, quod hucusque in gazophylacio sapientiæ immortalitati asseruant, in Te vno ornando consumere nata, inuitabant maximo laudis argumento, ad euoluenda Diuæ Themidis dogmata sacra. Tu verò, ceu Rex & pupilla mentium, circumductus, veluti in scena gloriæ, maturam prius intendisti circumsectionem, antequam votis suis pareres; prius doctam satis exactissimè exercuisti prudentiam, totus in Iurisprudentiam, summo studio amplectendam incubuisti, antequam coronam meritorum tuorum, gloriosum sapientiæ insigne, in Iurisprudentia Doctorem laurum capefferes. Quàm summis ergo oportebat instructum esse scientiarum præsidijs, quàm sublimi, masculo, magnarumque rerum capacissimo spiritu, quàm heroicâ laudabili, virtutis & sapientiæ gnarâ indole? cùm in æde sapientiæ, ad danda oracula creatus Doctor, etiam non domi Tuæ, nisi ex ingenio notus gentibus illis, quibus alienas virtutes laudare non iucundum, ingens honoris elogium meruisti.

Dulce hîc esset, & non minus gloriosum, prolixiores in Tuis laudibus moras, & spatia consumere, si Te diutius orbis caput, Gentiumque

Domina

Domina vrbs, vi magneticâ, inter amabiles Te videre cupientium sinus, tenere potuisset. Nullum quippe locum calcasti, quò te lætissimi ouâ-
tium plausus non comitarentur. nullam vixisti diem, nullum exegisti
tempus, quo tibi plus amoris, beneuolentiæ, fauoris populorum, non
accederet. Etiam magnis ominibus, futurum in vrbe appromittenti-
bus honorem, nisi diuinationo domestici boni, te expectantium in Patrio
solo, aliò mentem auocâisset. Iucunda hæc amantium illicia fuere, &
policitatio pulchra. Sed vicit amor Patriæ, dulcem illam Te aduersus
eiuscerantium sese consensionem, qui Tuam pertæsus absentiam, redi-
tum quoquè, omnibus votis postulabat. Ignoti redeunt, qui ideo abi-
uerunt in regionem longinquam; vt amplius laterent, nulla populi, in
honorum conspirantis amorem, beneuolentiæ signa, nulla amicorum
iucunda commercia merentur, qui omnibus odiosi, iuxta ac inutiles fa-
cti, nil nisi fastum, & arrogantiam cogitabant. At Tu illatus Patrius Re-
gni finibus, adeo sapientissimorum cordibus, & animis, mentis illâ te-
neritudine immigrasti, atquè ora omnium, manus, calamos, non sine
insigni accessione gloriæ rapuisti; vt sæpiùs tibi ereptus, omnibus te
circumstantibus, ac admirantibus, per partes amicorum distractus, to-
tus tamen & integer omnibus, inter eorum aures, oculos, interquè ma-
nus, & magna amoris vota versareris. Quid memorem? quomodo ad-
uentabas in Patriam, quibus auspiciis ingrediebaris dulce natiuitatis Tuæ
solum? vidit nonnemo, expalluit suis in tenebris cæcutiens, sed domi
alienæ perspicacior lynce inuidia, quæ te etiam, adacta noui honoris di-
gnatione, venientem adorauit. Mirabantur plurimi, ouabant amici,
& stupebant; quàm gloriosè consalutans iuit tibi obuiam gradus ho-
noris, dans non dubium omen, altius capeffendæ ex voto dignitatis.
Atquè primùm post Checinensem, quæ nomen Tuum, & sollicitudinem
æternitati commendare non desinit, offert se ordine pulchro, Rado-
fzycentis Præpositura, forsân vel ideo; vt illi prius consulas, nouus sapi-
entiæ consiliarius, & non magis Tuæ gloriæ, quàm immunitati suæ pro-
desse possis.

Enimuerò, sic itur ad honores, per longos meritorum gradus; &
non fausto pede, hic magna scandit fastigia, quem aut præcoci passu, a-
ut emendicatâ ope, sola vulgi adulatio promouet. Tu semper Vir sapi-
entissime cogitabas tecum, quomodo ardentissimam fortunæ conuen-
tionem vinceret, aliò mentem inflectens, vt illibatus maneres, & dona
hæc magis visa, quàm capaci mente possessa, quibus Te insolens Dea

cumulabat, aut ingeniosâ arte eluderes, aut non acceptares rogatus. Expugnauit tamen inaccessibilem mentis tuæ arcem, placidus Archipræfuleæ munificentiae fauor, amouit hæc stationariæ industriæ morarum spatia, ille erga Te generosi pectoris ardor, cui non alia sollicita cogitatio, non alia crebrior sollicitudo mentem infederat, quàm Te beneficiis, & honoribus exornare. Minimè passus remissum de Te animû, qui sapiens pectus Tuum, studiis omnibus prosequebatur, in publicum amoris testimonium, Archidiaconatum Curelouiensem tibi conferens, palam declarauit, Te sibi magis dilectum, quàm alios, vt potè bene perspicacem oculum, & pupillam. Acceptasti honorem, & beneuolentiam Principis, sed tamen repugnabas dignitatibus, ne Te Timotheû agnosceres, aureo fortunæ hamo, sublimes piscantem honores, & beneficia. Sed uicit melior successus, iam non fortunæ, at virtuti destinati honoris, quem tibi merita parauère. Ergo succedis omine fausto sponsæ tuæ ornandæ, Præposituræ Malogostensi, iam pridem omnium votis communibus postulatus. At quo temperamento Deus bone! fortunam Tuam, interdum non ad vota fluentem, moderatus es! Præpositus Malogostensis, magnorum Virorum titulis, signis, & votis, non minus sapientiâ, modestiâ, labore, vigiliantiâ, Pastor & Sacerdos populi factus, cum iam illam tuam sollicitudinem expleueras, atquè perenni honoris adoptione gaudebas, sensisti ictum fortunæ, & læsam multorum explorasti conscientiam; sed & hîc destinatus noluit te honos deferere, immo longam nomini tuo ætatem, longiorem famam, & vberem gloriæ messem precabatur. Hinc, magnis de Te auditis vocibus, summus ille veteris militiæ Manlius, hostium fulmen, & Patriæ nunquam desertor suæ BIDZINIVS, ô quam Te altum adamauit, & ingentes curas impendit modis omnibus! vt sphingem magnarum difficultatum eluderet, & Te cunctantem, ac certantem in campo fortunæ, longius annuo spatio, operosâ illâ sollicitudine euolueret, absolueretque. Priuatus Tibi PERILLVSTRIS & REVERENDISSIME DOMINE videbaris, quàm diu ipse pro te operam dabas; sed postquam tanti Bellatoris publica apud Monarcham Lechæi orbis, de te vota audita sunt, alius euasisti, & elogium immortalis famæ, & sacra fortunæ stipendiaprehendēs. Deberi quippe ex merito virtuti honorem, & venerationem, etiam quæ nullibi fixam stationem occupat, inuidia censet, authoremquè eius immortalitati inferendum, vt exemplo discat grata posteritas, vbique gentium, non contentatione, & vano gloriæ plausu, sed ingentibus rectè
facto-

factorum meritis, honorum distribui gradus: Verum est ita de Te dicere; quia Tuum generosum pectus, non disfluit tumida laudis ambitio; sed immensæ virtutis opes ditant, animum non vana opinio sublimauit; sed insedit eruditio, crystallo puriores, ad amussim normamque honestatis expensos mores, non fucis, aut Cerussâ, malè sana commendauit temeritas; sed genuina educatio, & amantium tutela parentum, in lucem publicam efformauit. non mea de te æstimatio, sed magnorum Virorum sensus, sed Principum vota fuere, cum Te iuris & sapientiæ, veluti quoddam oraculum legerent, assererentq; Iusti per manus in manus Principum, rarâ nominis celebritate, operoso quidem nimis labore; sed glorioso exemplo: hic ut alia ex consilio missa faciam, magnificum conscendisti solidæ laudis theatrum, dum illi magno Principi placere inceperas, qui Os facundum Poloniæ, in consiliis Cato, in Senatu Pericles, non vnico lustro, sed longâ annorum serie dicebatur, Wydzgam loquor Primatem. Studium eius in Te feruens, & summa cogitatio semper erat, vt tuo nomini paria merita, & honores pararet. Nullum quippe magno Principe, & immortalitatem merituro, maius impendij genus est, quàm quod in sapientiæ, & virtutis ampleandos erogatur honores.

Facile est coniectare, quomodo in sinu tanti Principis, & gratiis proficiebas, Vir Maxime, cum non alteri arcana suæ Diœcesis cõsilia, præterquàm Tibi reuelaret. Opus erat in augusto sedis Vaticanæ apparere vertice, apparuisti gloriosè, magnus pro nomine tati Archipræsulis Orator, & diuina illâ vi mentis, tam abstrusissima negotia perfecisti. Quidquid tamē gloriæ, aut elogiorum tributum habes, necdum Te sufficienter celebratum credas? donec ad compendium laudum tuarum, immo pro maiori testimonio veræ gloriæ addatur, quod non solum tanti Senatoris, ardua nimis obiuiisti munera; sed eo decedente, thesauri & peculij sui, exactissimus prudentissimusque Distributor eligi merueris. Vacauit sedes, tanto orbata Numine, sed Tu ab ingentibus & stupendis, non vacasti muneribus, quem Diuini humanique Iuris, illa Intelligentia Kracuius, in sapientissimum decidendarum Causarum Auditorem adlegit. Vacant alij, sepulti inertia, & non sentiunt, quantum sibi desit, tum maximè intelligunt, dum desipiunt, tum ad veram nominis gloriam proficiunt, dum profundioribus tenebris, & altâ obliuione inuoluuntur. Tibi verò nullum non gloriosum momentum, nulla non palmaris hora, in hoc munere fluxit: talibus enim auspiciis viuere, & magnos tro-

phæis computare annos, illis concessum, quos amica fortunæ indulgentia, adhuc in cunis, ad eximia quæquæ destinavit. Atque hîc tuam veluti in speculo contemplatus prudentiam, ex combinatione præsentium, futuros similes, tanquam ex præmissis consequentiam minimè negandam, cum laude accessuros, ominabaris honores. In decernendis Causarum sententiis, ita præsentissimo fuisti ingenio; ut semper omnibus humanis fauoribus, diuinarum sancita legum, & sacras Ecclesiæ Constitutiones præferres. Digesta, adeo admirandâ mentis intelligentiâ, in dispensandis alterius commodis digessim; ut nullus superesset, qui Te non æquissimum, Ius suum unicuique distribuentem, appellaret, collaudaretq; Principum placita, magnis inserta Codicibus, non ad eorum placitum, neque ad Pauperum iniurias interpretaberis. Feudorum libros, & volumina exhaustisti; ut scires quomodo imprimis magno cœli Monarchæ, dein orbis Principibus, tributum honoris, & reuerentiæ exolueres. Decretum Gratiani, non læuâ mente versasti, ut omnibus fieres graciosus. Decretales Bonifacij exegisti ad vnguem; ut omnibus benefaceres: his & aliis immensis sapientiæ meritis, vtramq; adimplèsti paginam, & ille tantum te ignorat optimum mortalium, qui nondum aut seipsum intellexit, aut in vmbriis abscondit, digna luce publicâ pretia rerum. Videor iam cernere Te altius, quàm antehac subuectum PERILLVSTRIS & REVERENDISSIME DOMINE, non spoliis fortunæ, & extortis adulantium plausibus; sed magnis ex sapientia laudibus, Principumque Te semper amantium fauore, gloria, publicis Encomiis coronatum. Videor ingentia Tibi decora, & noui honoris fastigia parari: nunc fortuna sublimem, instantemque offert gradum, & gloriæ currum, si modò ascendere velis, qui soles ingerentes sese honores relinquere. Aliud ex alio mihi occurrit: quàm speciosum est, quòd virtute nemini concessisti! quàm gloriosum, quòd summos sapientiâ, & altis honoribus Viros, adæquasti; quàm adspèctabile, quòd excellentissima quoq; ingenia, & Medulam sapientiæ vicisti, triumphasti. Testis est, qui tuos ingentes nouit labores, testis est qui tuam æquissimam coluit mentem, cui nihil vnquam adhæsit, quod aut Diuinarum momenta legum, aut intaminatæ innocentiam conscientiæ læderet. Loquetur famam Tuam sæculis, indefinenter, summus pro Ecclesia Dei zelus, loquetur labor, & frequentissima noctium, dierumque euigilata spatia, quæ non corpori, aut dulci somno impendisti; sed continuæ lucubrationi, calamis, & voluminibus consecrasti. Polcebat genuina

in iudicijs veritas defensionem, defendisti : excitabat innatus honesti amor, contra ambitiones vibrare legum arma, vibrasti : stimulabat recti honestiq; capax conscientia, dubio certamine, iustissimæ causæ obtrudentem sese fastum, & arrogantiam vincere, vicisti, profligasti, triumphasti. Non ego, sed pro me loquitur vindicata, & ex multis erepta manibus, Gnesnensis Canonicatus, toties iniuste vsurpata possessio, loquitur Camenensis Insulata Præpositura, quæ hæc vtraq; animo eleuatissimo, & omnes ictus malevolentiae sustinenti, mirâ dexteritate, sapientiâ incredibili, rarò huius seculi exemplo, euicisti. Arduum erat in tot inuidiæ ictus acutissimos incurrere, sed Tu felix Epanimunda, hæc vniuersa, adsultantium obstacula fregisti : dubium erat per tot anfractus iuris, legumq; recessus, tam abstrusam vestigare causam, sed Tu iuisti per ardua; periculosum erat inter tot ambitionis monstra, quæ iustitiæ & virtuti venenum parant, obuersari; sed Tu minimè veritus, contendisti, donec opus clauderes, quod non læuâ mente inchoaueras.

Vnum est, supra quoduis fastigium laudis, quod magnorum instructissimos Oratorum calamos, & summa fatigat ingenia, vnum est, quod vix hominibus loqui concessum, mille gratias & mille charitates in Patriam complexa, Fascia Principis MALACHOVII. Huc ingenui largiq; sapientiæ fontes, qui vbiq; locorum profundissimo loquentium ore manare possint, festinanter accurrant; huc conglobatæ per ingentia rerum spatia adsint voces, & vota, ac diu cogitata, sese depromat meditantium elegantia, in tanti Principis celebrandis laudibus. Profectò suas angustias confessa succumbet, & prorsus deficiet. Mentem enim omnibus gloriæ numeris absolutissimam, & velut cælo delibatam, in delictum humani generis, in terras missam bonitatis speciem, quis est adeò temerarius, & insolentis ingenij scriptor, vt audeat pari elogio ac eloquentiâ efferre quæ in sui æstimatione, omne ebur & pretium, æquè scribentium & meditantium consumpsit. Ille solus magnus in Republica Senator, in tam afflictis Patriæ rebus, Diuinæ mentis Sacrationibus consilijs deprehendit, quomodo tantam malorum Iliadem comprimere, publicæ securitati prospicere, metu Ciues, Patriam periculis liberare, religionē & aras, grauissimo ac foeditissimo pollutas scelere vindicare, opes tot florentissimas, fortunaq; & consumptam magnis bellorum impensis, pulcherrimarum rerum frugalitatem resarcire, aut accumulare possimus. Immensitas, meritorum illius, ipsam continuato gloriæ cursu, immortalitatem exposcit, nec audet ea, sine vlllo laudis artificio, calamo depromere

mere officiosa veneratio; quæ alijs è longinquo admiratione & stupore exaquant, & tunc ritè ex conscientia ornant ac celebrant; dum in tanta maiestate exhausti, profundo cultu venerantur. Esset profectò, quod diceretur cumulandis tam Sancti Antistitis laudibus, nisi in dies & momenta, immensus laudationis Oceanus, non per stillicidia succrescens; sed per magnos sinus gloriæ circumfluens, exundaret. Quis nescit plenis manibus tanti Principis, innumera spargi in populos beneficia, & præstandi celeritate velocius præoccupare tempus optandi? quis nescit magnæ mentis indulgentiâ, in omnium affectus influere? inopes rerum & malè habitos à fortuna, bonis augere, & ceu Numen aliquod Cœlo delapsum, vitam poscētibus dare, non promissis, sed erogandis muneribus laborare? quis nescit ea magnum hunc facere Antistitem, quæ Diuinæ competunt naturæ, si ritè Deum, à dandis beneficijs vocavit antiquitas. Hic diu gemitus inconditi locuturam non differunt vocem, quos præoccupat effusissima Principis liberalitas: longa expectatio, non elicit ingens habendi desiderium, quod mens illius summè placabilis momento complet, non deniq; obligant summa beneficia, gratiæ Principis participes, quæ non ideo effunduntur, quia potens est dare, in quem velit; sed ideò non compressis vlnis, erogantur in omnes, quia in quemquè bonus est. Nam sicut agros diuturno sitientes ardore, mille vocibus accersitus imber, secundos reddit, ità hic munificentissimus Antistes, summa omnium desideria, ingentibus perfundit, & irrigat gaudijs. Quàm pulchrè in augusto sinu, adeò exoptati Antistitis indulgit Tibi fortuna, PERILLVS IRIS DOMINE, & Te totum inter reliquas charitates, magnorum Fascia meritorum complexa est, quem Summo ardore poposcerat, cordis sui & consiliorum participem. Quanquam reluctabaris, & longius vota eius tenebas, altius tecum expendens, quid, quantum, tanto Principi debeatur; vicit tamen felix Tui amor tantam animi cunctationem: nam magnus Antistes, simulac auribus famam tuam hauserat, ingens impendit studium, vt Te quoq; & oculis intueretur, & sapientissimum, non sine causa sese ingentiū^{re} ^{causarum} faceret Auditorem. Hinc mihi liceat, tuum illud cor alterum, & mentem non aliam, iuris & sapientiæ inextinguibilem lucernam, Principis monile pretiosum, & delictum, fratrem rarò alteri sic dilectum, ad Sacra Apostolorum properantem limina, operosis post fines Regni vestigare passibus Petrum, qui non ita properanter, terras obuio cursu constratas transuolat, quàm facilè, & quàm felicibus auspicijs, vos gemina clarissimæ
lucis

lucis sidera, dulce Fratrum par, Arcades ambo, æquali cursu certantes pro gloria, in omnium mentes, & in sacrum pectus Antistitis, descendistis. Petrus ille, cui æs triplex, circa præcordia fusum, natura dedit, nulli expugnabilis erat, nisi soli gratiæ Principis MALACHOVII, prius ante Te in deliciis habitus; quia noluisti prius amari, qui Te subtrahebas honori, ut ille gloriosius, ad sublime Vaueli fastigium ascenderet, & sacris illis luminibus, quæ in perpetuas æternitates collucenr, stellatam lucem suam, Tuamq; simul adderet. Placuit Principi, qui nulli displicuit, nisi soli inuidiæ: placuit magno Antistiti, & meritò quidem; nam sibi tantum formæ, dignitatis, animi, prudentiæ, dexteritatis, consilij, felicitatis, diuinitus tributum, ad res gerendus, Polonus admiratur orbis; quantum non aliis omnibus, nisi tibi, quo cū, non solum iura sanguinis; sed & hæreditatem sapientiæ possides. Vestra hæc sunt vniuersa mentis decora integerrimæ, quidquid, aut illi labor, aut fortunæ indulgentia, fauorque Principis impertiit, aut Tibi ingentia merita pepererant, quæ & libenter sapientum senatus expendit, & ego cum maximis quibusuis muneribus, non sine læto quodam animi præsagio, confero.

Consum ergo Te, aut ipsam Themidem, PERILLVSTRIS & REVERENDISSIME DOMINE, cū orbis Polonus honorificentius veneretur, & voto multiplici, populus vix non vniuersus celebret; quam felicitatem, non alii, nisi Tuæ virtuti, nisi Deo, & ipsam virtutem debes, hoc tibi eueniat? & non intermissa honorum serie, gloriosus semper in auge refulgeas. Atq; his, pro Te, dum cernat calamus votis, & deuotam officioso pectore, ad diem Diuo Patrono Tuo sanctificatam, gratulationem depromit, Tu Vir Maxime, cuius reliquas virtutes & merita, ex consilio silentio veneror, iam magnis plausibus, vbique summus & sapiens æstimatus, triumphas in tanta gaudiorum messe? & magni Antistitis cordi immersus, longas ô vtinam, vir dignissime ferias, integer, & semper optabilis viuas? Faciat cœlum, vnde mentis Tuæ optimam partem traxisti? ut Tibi longam felicitatem gratulentur mortales, & superi elargiantur immortales. Illam quippè, non animi fastu, non vllis secretioribus emolumentis; sed solâ dignatione virtutis, & continuato laboris Magisterio meruisti. Id totum à Natura concessum habes, quod sicut maximo rerum paratu, in tanta festi tui solennitate, summa gaudia & lætiam concipis; ita te in his omnibus, nihil est moderatius. Insolescunt alii temeritate inconstan-

tis fortunæ, ad magna prouecti fastigia, quid non colligunt, vt omnia possint, etsi non omnia, secundum honestatem posse facere, nisi pessimo licet: accedunt sibi triumphos, & præparant scenas, theatra mouentur, ludos, cursus, certamina, dissolutissima insolentiæ negotia, ingenti vanæ laudis anhelitu instaurant, vt per tanta effrenatæ licentiæ discrimina effracti, aut grauissimum, post gaudia incipiant luctum, aut in se concolorem assentationis fucum, ad ineptias fabularum, vulgo relinquunt. Tu verò maximis die hodiernâ diffuis gaudiis: sed mentem hac ægritudine, & impotentia minimè contaminas, sed totus Tibi præsens, idem inter votorum hilaria obuersans, & suauissimè indulges animo, & his omnibus mensuram adhibes, & omne inopinatum necessitati relinquis. Ergo lætissimus ipse, hac dulcedine gaudiorum frui, & triumphare, nulli proximus malò? nam tibi Aquilæ tuæ, aucta suo lumine, feliciter stella præfulget, & surgens à telonio Matthæus, lætioribus momentis præit in triumphum: viue Ecclesiæ, pro cuius nomine, & immunitatibus, animum & sanguinem consecrasti? viue Principi, quem summè veneraris, & ille Te intensius amat? viue Patriæ, & legibus, quibus dicendis, ac defendendis natus es? viue Academicæ, cui faustissima quæquæ precaris: denique viue Tibi, tuisque Clientibus, qui hæc pro te nuncupant superis vota; vt post tantam laborum, & meritorum Acrocorinthum, postque, ad beatæ longissima spatia felicitatis, exactum calamitosæ vitæ telonium, Diuinus Iuris & sapientiæ Præses, surgens, magnis passibus, procedensque Matthæus, excedentem terris Astræam imitatus, astra petas, nunquam satis laudatus.



nia
ffi-
no-
tia,
tiaæ
um,
ul-
fed
otus
in-
ina-
udi-
uæ,
Mat-
pro
asti?
viue
Aca-
que
n la-
fima
is &
æ-



stdr0023610

Biblioteka Jagiellońska

